

"ARUBAANSE COURANT"
diariamente cu excepcion di
dialundago
subscripcion f. 3.25 pa luna
edicion los 20 ct.

edita pa:
N.V. Arubaanse Drukkerij- en
Uitgevers- en Publiciteits Mij.
Nassaustraat 85 O'stad Aruba N.A.

imprimi na:
Theatersiraat 11, Willemstad Curacao
N.V. Drukkerij "De Stad"
Telefoon 1116 Directiva y redaccion.
2116 Anuncia y subscripcion.

Directeur hoofdredacteur: D. Wolff.

ARUBAANSE COURANT



Diario pa



Aruba



SWIFT

POTHAM

Bishita inespera pa come? No tin
problema. Un sandwich di "Pot-
ted Meat" prepara cu salada semper
ta wordi aprecia!

Agente:

WIRICO

Año 24

DIAMARS 6 DI AGOSTUS 1963

No. 4709

COMENTARIONAN DI E PROME GANADORNAN DI E GRANDIOSO Y CAYONASO CONCURSO "BIAHA PA COLOMBIA GRATIS CU LA ESPERANZA". ESAKI TA E PROME CINCONAN DEN E SERIE DI 260 PERSONA CU LO BIAHA GRATIS PA CORTESIA DI "LA ESPERANZA" E SUPERMERCADONAN MAS GRANDI DI ARUBA, CU PRIJSNAN MAS ABAYU. Y SERVICIO SIN IGUAL.



BERTHA HASSEL,
di Rancho Straat 1.

"Mi a bira asina contento cu e oportunidad
aki cu "LA ESPERANZA" a duna mi, cu
mi a lubida tur mi problemas por lo pronto.
Naturalmente mi ta haci uso di mi biaha, y
mi ta bai cu mi bisnihan y otro conocinan.
Si no ta pa "LA ESPERANZA" podian dan
tempan aki lo mi no por a haci un biaha,
y ademá gracias na "LA ESPERANZA" nos
ta come bon na prijsnan razonable."



MARIA MATHILDA
di Seroe Biento 18

"Semper mi a compra na "La Esperanza"
pasobra mi ta busca na unda ta conveni mas
pa haci mi compras. E biaha aki cu mi a
gana gracias na "La Esperanza", a cal net
bon dan vacante, y naturalmente mi ta pro-
bacha e oportunidad. Mi famba ta bai
cu un rumen. Suerte tambe cu hopi di mi
coleganan, maestra di school ta bai cu e
mes un biaha aki pa Colombia."



ANNA MARIA DE MEI
di Ayo 24.

"Mi a bai cuater anja pasa pa Colombia, lo-
cual a costanan un capital na pasashi. Gra-
cias na "La Esperanza" nos ta hanja un chens
pa bai atrobe, pero awor cu un pasashi gra-
tis, ide y vuelta, mi ta pensa di compra dos
of tres pasashi mas pa mi junan bai cu mi.
Ta merece la pena pa haci bo compras na
"La Esperanza" ademá di su cualidad, prijs
barata y excelente servicio, bo ta hanja biaha
tambe pa e stranheria."



CHONCHON WEBB
di Pos Chiquito.

"Hopi anja mi ta cliente di LA ESPERANZA,
y no ta di prome bez cu mi ta gana premio
serca La Esperanza. Un biaha mi por a haci
un compra grandi completamente gratis. Sem-
per lo mi sigui compra na LA ESPERANZA,
un supermercado na unda bo ta hanja un y
tur na prijsnan barata y di alta calidad. Mi
tin hopi liru pa cuida, algun di nan ta chi-
kito ainda. Si no ta pa hanja un biaha gra-
tis pa Colombia, lo mi no pensa ariba kuier-
mento, pero e chens aki mi kier proba,
gracias na "LA ESPERANZA."

F. ROMER
di Bernhardstraat.

No tin comentario, pasobra nos no por a
localice na momento cu e corant ta bai em-
prenta. No tin duda, segun su esposa, cu e
ta contento cu e biaha gratis pa Colombia,
ademá siendo un cliente di "La Esperanza",
esaki ta papia pa su mes.

COMENTARIO DI SUPERMERCADONAN DI "LA ESPERANZA"... CUMPA NA "LA ESPERANZA", Y BO TAMBE POR PERTENECE NA E FILA DI GANADORNAN FELIZ DI BIAHANAN GRATIS PA COLOMBIA DEN AVIONNAN DI PRIMERA CLASE. ESAKI TA UN CONCURSO N U N C A VISTO ANTES NA ARUBA.

APUNTES EDITORIAL

Cosnan grandi hopi biaha ta sosede
den quietud. Den quietud di un cuarto
di studia, un taller simpel, un laborato-
rio aieha nan ta wordi realiza. Hopi
biaha esnan cu ta directamente relaciona
na esaki, ta realiza te despues cua
papel importante nan a hunga den un
suceso historico of un desarollo revolucio-
nario.

Barcadera tabata e lugar diasabra, ca-
minada un suceso mas importante a
tuma lugar sin cu un hende ripara con
importante esaki tabata en berdad.

E personanan mas importante den e
suceso aki tabata cuater homber cu
normalmente tabata haci nan trabao dia-
rio: na prome lugar e 2 empleadonan di
Antilles Chemical Company, A.C.C.,
Calvin Schmidt y Adriaan Wever, mas
nan hefe senor T. Versteegen y por fin
e capitán di e tanker di amoniak "Esso
America". E cuater hombernan aki hun-
tu cu e periodista Ricardo Engelen di
Arubaanse Courant como unico testigo
cu tabata realiza kiko tabata pasando,
a ehecuta e solemnidad, na cual e pro-
mo producto di exportacion di e empre-
sa quimico nobo na Barcadera, a sali
for di e isla.

Tabata poco espantoso pasobra nun-
ca antes e amoniak liqido a ser ge-
pomp door di e tubonan pa un barco.
Senor Versteegen a bisa su cabez waak
e capitán di e tanker cu tabata para na
bordo di e tanker cu un sonrisa. "It's
up to you", el a grita. E capitán sin-
embargo no a mira dificultad. "Okay,
go ahead" e contesta tabata. Awor
senor Versteegen a duna su ayudante-
nan Schmidt y Wever orden pa habri
e valve, door di cual e tanker a cumin-
za carga. E complejo di e fabrica qui-

(Sigi lesa na pag. 4)

P.P.A. SU SECRETARIADO

TA BISA: CHANCE Y ANSLIJN A VOTA CONTRA MATHIEW


ORANJESTAD, 6 aug. — Di e se-
cretariado di P.P.A. nos a wordo in-
forma cu nan ta dispone di pruebanan
convinciente aja, cu e miembronan di
eilandsraad di Isla Ariba L.A.I. Chance
y W.C. Ansljin durante e ultimo reu-
nion di eilandsraad no a vota pa e can-
didato di Isla Ariba di P.P.A., senor
D.C. Mathew. "Cu esaki e declara-
cion di e dos senjoresnan na nos, esta
cu si nan a vota na senor Mathew, ta
ser desmentí. Segun e segurancu cu
nos a hanja di e secretariado, diesun
miembro di e fraccion di P.P.A., entre
cual no tabatin e dos Isla'ribenjonan, a

FATUM — Tel.: 1845
pa tur bo aseguranon

vota pa e candidato di partido. Nos
bosero di P.P.A. ta bisa di por bisa
esaki cu tanto segurancu, no solamente
pasobra durante e votamentu tur e
miembronan di e fraccion di P.P.A. cu
excepcion di srs. Chance y Ansljin,
a muestra nan bijete di vota habri na
otro despues di jena nan, pero tambe
pasobra nan ta dispone di un prueba
mas evidente ainda. Lastimamente e
cabez di nos relato di e ultimo reunion
di eilandsraad a causa poco bruhamen-
tu. Nos a bisa den esey: "Ambos Isla
'ribenjo a vota pa Mathew". E mester
tabata: "Dos Isla'ribenjo den fraccion
di P.P.A. a declara: nos a vota pa
Mathew". Den e prome caso corant
ta existi e posibilidad cu e senjores
a gana e periodista; den e otro caso
esaki no ta asina.

DIASABRA 3 AGOSTO 1963 5.30 P.M.

MOMENTO HISTORICO PA ARUBA



Diasabra atardi ultimo, "Arubaanse
Courant" tabatin e privilegio di asis-
ti como e unico representante di pre-
sa y publico na e momento historico,
di e cargamento di "Esso Centro Ame-
rica", e promer tanker cu a drenta
Barcadera pa tuma un cargamento di
amoniak. Fuera di algun personanan
cu tabata encarga cu e trabao, nos por
a presencia e gran momento ora cu e
dos trabadonan di Antilles Chemical
Industries, sr. Adriaan Wever y sr.
Calvin Schmidt, mas o menos 5'or y
mei a habri e conexion entre e pipa
di A.C.I. y esun di e tanker, haciendo
asina un echo cu nos por yama un "mo-
mento historico pa Aruba".

E promer exportacion di un produe-
to ligitimo for di Aruba, un producto
di e promer fabricu na Barcadera a
cuminsa. Ariba e potret mas ariba na
banda robes nos ta mira, "Esso Centro
America" mirando den haaf na Barcadera.
E dos potretnan na drechi ta duna nos
un bista ariba e dos caballeronan,
Schmidt y Wever na e momento cu
nan, kizas fuera di pone tino ariba es-
aki, a efectua un di e momentonan di
fin grandi den historia di orogreso di
Aruba. E potret na robes abao ta
mustra e resultado di e amoniak cu des-
pues di algun momento cu ei a corre
den e tubo, a causa cu ijs a forma na e
tubo aki, apesar di un solto tropical. Es-
aki manera nos sabi ta pa motibo cu
e amoniak cu ta wordo produci na Bar-
cadera ta wordo haci liqido door di
bata e temperatura di e producto aki
exormentemente, y pasando door di e tubo
ta haci esaki bira asina friu cu e awa
den aire ta vries.

JOYAS
DI
BUNITEA SOBRESALIENTE



SPRITZER + FUHRMANN

JOYEROS - RELOJERIA - OPTICO

ARUBA

E FAMOSO CANTANTE, TITO GUIZAR,
UN FIEL BISHITANTE DI ARUBA, mescos cu cantidad di otro hendenan ta huma

SIGARIA MAPLETON




MAPLETON cu filter y regular ta obtenible na Aruba y Corsow den e mehor negoshinan.

Distribuidor pa Corsow: CHINA OVERSEAS Inc. Ltd.

Agente general pa Antillas:

SHANGHAI STORE - San Nicolas Aruba

TELEFON 5034



Estrella den Klompen Klub Show actualmente ta Suzanne Lake, un cantante Mericana, encantadora, delicada, y cu un voz sublime segun e criticonan cu a jega na nos for di Estados Unidos. Den e Broadway Show "Flower Drum Song" Suzanne a traha e papel di Helen Chao. Philadelphia Enquirer a scribi en relacion cu esaki: "Suzanne Lake ta mes cushi pa mira cu pa scucha." Palabranan cu a ser ripiti un blaha mas pa San Francisco Examiner en relacion cu e papel di Suzanne "Tup-tin" den "The King and I". E cantante aki ta canta facilmente na seis idioma. Algun di su mehor numeronan: "Song in my heart", "Enjoy being a girl", "What kind of a fool am I" y "Izema".

YABI

pa bo exito

Avisa den
**ARUBAANSE
COURANT**
y compara e
resultadol

ENGELS VOOR BEGINNERS
13 Aug. NIEUWE CURSUS fl. 10,- p.m.
ST. GERARDUS CURSUS
CURACAO: Telefoon 12640 — ARUBA: Telefoon 3268/1212
ATTENTIE: Gevorderden sluiten zich aan bij gevorderden.

TA SOLICITA
Un mecanico cu experiencia y cu ta capaz di haci reparacionnan, completamente independiente, na fork-liftrucks y percura pa nan manutencion.

Por acudi tur dia entre 9'or y 10'or na oficina di K. N. S. M.

Nassaustraat 98B
Oranjestad.

It just... **LOOKS** ...expensive

gracias na e staf di tecnicoan cu ta duna bo tur informacion pa pisen bo cas, renovacion of reparacion na un prijs masha razonable.

PETRONA & CROES

AWOR OBTENIBLE NA
Panama Store
ROMART

INTERIOR — EXTERIOR
ROMART TA UN VERF-MODERNO, CUIDADOSAMENTE MESCLA PA PROTEHA E SUPERFICIE COMPLETO.
Proteccion den cada galon.
1 galon f. 5.10
1/4 galon f. 2.25
Tambe ta tur sorto di KWASHI.

NOBO NOBO NOBO
NASSAUSTRAT No. 34
Nos a caha di habri tela nobo Katana y pique bonita flores, especialmente pa traha bishita di shift. Panja pa saya nobo cu disenjos nobo. Bunita tela strepla. Tambe "Terry-cloth", den color. Bunita tela borda for di Sina. Prijsnan barata!

Surnam fin tarea di mision
pa comunidad di Prof.
na Aruba

ORANJESTAD, 6 aug. — For di Wanhatti, e puesto di mision leu den selva di Surnam di Evangelische Broedergemeente, e comunidad Protestant di Aruba a hanja noticia di broeder E. M. Koorndijk, cu ayudo financiero di e Protestantnan di Aruba lo ta altamente aprecia. E comunidad na Wanhatti consistiendo di bosneger y indiano ta chikito y por haci poco cos for di nan mes medianan. Un school, alavez kerki, cual gracias na e ayudo di e Secretariado di Boslandzending por a worde construi y cu ta favorece e trabao di mision masha, no por a worde verif mas despues di e construcion pa falta di medianan. Como e edificio ta milar traha di palu un verf ta hopi necesario. Broeder Koorndijk a propone den un carta na e comunidad Arubano pa procura si ta posibel pa e medianan pa verf aki.

TRES PROGRAMA DI YOUTH FOR CHRIST DURANTE WEEKEND

ORANJESTAD, 5 aug. — Rev. Paul Harford, Rev. Allan Davis y Rev. Charles Van den Berg a presenta tres programa infarmal di musiek "negra spiritual" y himnunan canta y taca, relatanan di nan trabao cu YOUTH FOR CHRIST (YFC), paca chiste y tres mensahe caritativo di Rev. Davis. Durante e reunionnan, ocho hende a indica cu man hiza cu nan quier entrega nan curazon y bida na Dios cu dos actuando den testimonio publico paranda dilanti tur hende. E programanan a tuma lugar Diabierna anochi na Iglesia Evangelica na Oranjestad y na YMCA, Diasabra atardi y anochi na San Nicolaas.

Entre nan numbernan musical diabierna anochi, dos trompet a toca stereofonicamente. Esnan presente tabata di dicio na dado momento ken tabata toca. Sr. Davis a canta varios cancion cu musiek pa nan ariba tape. Rev. Van den Berg ta di raza Hulandes. Tabata conta di dje cu e no sa nada di Hulandes sino "dank je wel". Tur hende presente a hant esei. E iglesia tabata yen di hende cu mas cu 200 presente apesar dje eator dje anochi ei.

E programa di diasabra atardi tabata pa e 60 mucha y hoben presente. Algun hende grandi tabata presente y a goze. Rev. Davis a splica con YFC ta trata di habi Evangelio na hubentud pasobra nan no ta bini iglesianan. Esei ta pa medio di "Bible Clubs" (Clubnan di Biblia) pa reuni tur cristian den school biniu y atri ontran, pa medio di asambleanan den schoolnan y pa medio di campanja den stad.

Hopi parti di mundu tin tal clubnan. Na India un hende ta biahando continuamente pa asisti den nan. Cuakier cristian por cuminza un club. Rev. Harford a conta di Gloria, un mucha muher di 13 anja na Jamaica, cu a tende Evangelio y a bira Evangelista apesar di e maltrato di su mayornan. Su mayornan ta di China y tabata sigui religion di aya. Gloria a organiza un club di 45 mucha muher den un school di mucha muhernan di 200.
Despues Gloria a bai Universidad di Indiana y na Johns Hopkins Uni-

Boto

Broeder Koorndijk ta continua den su carta cu e observacion:
"Mientrastantu e trabao rond di e school ta desarolla su mes favorable. E asistencia di e school tantu na Wanhatti como Manjaboom ta bai basta bon. Tambe e indianoan, cu a keda sin bini e ultimo anja, awor ta bini hopi na Wanhatti."

Pero tin un gran dificultad cu e transportacion pa school. Esey ta e transportation di e muchanan riba e riu Cottica cu ta worde infesta pa e barcu grandinan di Alcoa.
Algun mayornan a manda un peticion pa e directiva di Mision den cual nan ta pidi pa apoyo financiero cu por haci posibel pa compra un bato di school, cu e ora lo por ser explorata pa un mayor.

Esey loifica, cu ademas di e gastonan di compra di e bato, tambe un gasto fijo mensual di diez florin ta bini acerca pa paga e homber cu ta habi e muchanan school y busca nan atrobe.
Si esaki ta muestra Bo comunidad mas atractivo cu e proyecto di verif, tambe nan lo por percura pa e plan aki. Ta berdaderamente hopi necesario."

Mientrastantu e Consejo di Kerki di e comunidad Arubano a participa den "Kerkklanken" cu for di e comunidad ya caha un donacion di f500 — a drenta pa Wanhatti. Di esey por paga e homber cu ta habi y trece e muchanan di school di Wanhatti, pa cincuenta luna largu.

FUTBOL FUTBOL FUTBOL
A.V.B. ta presenta un grandiasa encuentro di futbol entre:
SURINAME y ARUBA
diamars, 6 di agosto pa 8.30 'or p.m. den Wilhelmina Stadion.
ENTRADA: Tribuna cu dak Fl. 2.—
Tribuna sin dak Fl. 1.50
2 Mucha ta drenta cu 1 kaarchi.

WIM DE BOER KAMPIOEN ANTILLANO DI AJEDREZ

ORANJESTAD, 6 aug. — E weekend cu a pasa a tuma lugar na Aruba e encuentro di ajedrez entre e kampion di Corsow, senior Henk Soeterboek y e kampion di Aruba senior Wim de Boer. E encuentronan aki tabata valido pa e titulo di kampion di Antillas.

E promer encuentro a tuma lugar diabierna anochi den Conference Room di Aruba Caribbean Hotel-Casino na Palm Beach. Pa banda di mas o menos 70 e promer pida a worde hala ariba e borch di ajedrez, den presencia di algun miembronan di e Organizacion di Ajedrez na Aruba y tambe algun interesadonan.

E promer wega aki a termina den un remise despues di 27 hugada. E di dos encuentro a tuma lugar e dia siguiente, esta diasabra anochi pa 7'or na e mes un lugar. Despues di cuater ora ainda e partida no a termina. Esaki tabata e resultado di un

"Youth of All Nations" ta busca contact na Aruba

ORANJESTAD, 6 aug. — "Youth of All Nations, Inc." yama en corto YOAN, ta un organisacion Mericano cu a worde establece anjanan pasa pa un dama Mericano, Clara Lelser, cu e intencion pa laga e hobennan di e diferente nacionnan sinja conoce otro mihor, via correspondencia. YOAN no ta un organisacion pa ganashi, y ta habri pa tur mucha hombernan y muher di tur parti di mundo entre 14 y 24 anja, sin distincion di religion, color of politica, cu kler bira miembro.

Ultimamente "Arubaanse Courant" a ricibi un carta for di YOAN, den cual nan ta pidi pa informa e hobennan di Aruba tocante di e organizacion di correspondencia aki, cual ta sinja e hobennan for di tur parti di mundo conoce otro y cu a worde aprecia door di senador Jacob K. Javits den Senado Mericano pa e bon doel di e organizacion y su resultado. YOAN no ta un camiente un organizacion cu ta duna intercambio di adresnan, pero e miembronan di YOAN ta worde poni den contacto cu otro cu cuidao, teniendo tanto cu ta posibel, cuenta cu e desconfian y ambicionnan personal cu e mucha muhernan of mucha hombernan cu bira miembro tin. Asina un mucha homber cu ta un amante di coleccionamento di stampia na Tokio, a hanja un amiga pa corresponde na Greenland cu tin como "hobby" spiarmento di cabanan di swafel, y asina tambe un estudiante di 19 anja na un Universidad Mericano a dicio di bai studia Fins e idioma di un s-

RESULTADO DI CONCURSO DI CAMERA CLUB

ORANJESTAD, 6 aug. — Luna pasa e tema di e concurso di Aruba Camera Club tabata "Stillven". E biha aki a sali premier sr. W. Th. J. Huismans sigui pa A. J. Stolkwijk, L. C. M. Kerstens, F. C. L. C. Meewis, y A. F. M. Spit. Na juni ora cu e dianan di color nester a worde traha di e tema "Potret", tabata senior Spit cu a sali numero uno sigui pa Stolkwijk. Huismans, F. J. Tielman y H. van Balkom.

CISCO KID presenta pa cortesia di **ARUBA BOTTLING COMPANY** e promer fabrica di refresco na Aruba, cu e productonan mas gusta y mas pidi. NESBITTS y refresco sin igual.

1. Nos ta bai... y nos lo trece e cueraan!
2. Bo ta mira con Bon? Nos ta saca doblle di e cueraan cu e amanan bil.
3. Y den e forti. Mi hendenan no a horta e cueraa. Mi ta sospecha un blanco! Aruba nan a claba un flecha India!



PEPITA pa cortesia di: Antillian Hardware Co

E mehar adres pa VERF, KWASHI, TUR CLASE DI HERMENT, articulos sanitario.

1. Mi ta mi so y nan ta bati na e porta.
2. Piti keto!
3. Mi ta tumando potret di e bishinan en mi ta parti carta.
4. Y ni sikiera e por a trece un carta pa mi.



KNSM

your line

TELEPHONE 1777 - 3 LINES
SCHEDULE OF ARRIVALS/DEPARTURES AT/FROM ORANJESTAD

| SHIPS NAME | FROM | TO |
|---------------|-------------------------------|---|
| MEMNON | 8-8-'63 U.S. Atlantic Ports. | Ven., Tri'dad, U.S. Atlantic Ports |
| ORANJE NASSAU | 11-8-'63 Europe, Curacao. | Caribbean Cruis.e |
| SOCRATES | 14-8-'63 U.S. Gulf Ports. | Cur., Ven., Tri'dad, B'dos, G'rown, Paramaribo, Europe. |
| STENTOR | 14-8-'63 Italy, Curacao | Atlantic Colombia. |
| OBBERON | 15-8-'63 U.S. Atlantic Ports. | Ven., Georgetown, Paramaribo, U.S. Gulf Ports. |
| ARISTOTELES | 17-8-'63 Europe, Curacao. | Venezuela, Atlantic Colombia, U.S. Gulf Ports. |

FL. 50.—

**PA UN
NOMBER NOBO**

**PA
„ARUBAANSE COURANT“**

**TUR NOS ABONADONAN
SA CABA:**

cu bo reporternan y tur otro empleadonan di „Arubaanse Courant“ to haciendo tur nan posibel pa ofrece bo diariamente un bon corant. Cu nan tin exito, bo ta ripara **mesara**, si bo compara e corant di awe, cu un corant di anja pasa:
**MUCHU MAS PORTRET Y NOTICIA
DI BO MES ARUBA!**

Den e 8 anja y mei cu nos ta dirigie e corant aki, nos a cambiele di un completamente na **HULANDES**, pa 99% na **PAPIAMENTO**

**Awor cu esun parcienta cu ta falta, nos lo
aprecia yudanza di nos lectoran.
E NOMBER NA HULANDES MESTER BIRA
NA PAPIAMENTO!**

BO SA UN NOMBER ADECUADO?
E mester ta energico, facil pa pronuncia,
caracteristico y digno.

**SOLAMENTE ABONADOS
POR PARTICIPA**

Manda bo sugestionnan por escrito pa
ARUBAANSE COURANT, NASSAUSTRAT 85.
Marca ariba e envelop „Nomber nobo“

FECHA FINAL:

10 di Agosto 1963

Solamente si tin un nomber cu nos lo usa, e premio di f 50,— lo worde entrega. Si entre tur e remitentenan no tin ningun nomber cu worde usa, anto nos lo nombra un jurado pa selecta dos dje mehoran, y recompensa esakinan cu f 25,— cada uno.

BIRA ABONADO AWOR

Di e unico diario na PAPIAMENTO riba mundo!

Ratificacion di acuerdo nuclear na Moscu a bira un hecho Prome paso riba caminda pa desarme general

MOSCU, 6 aug. — E ministernan di exterior di Merca, Inglaterra y Union Sovietica a firma ayera na Moscu e acuerdo limita pa stop pruebanan nuclear. E acuerdo a worde firma seguidamente door di Andrei Gromyko, Dean Rusk y Lord Home. Despues e ministernan a lanta para y a duna otro man. E ceremonia a tuma lugar den e sala Catherine di Kremlin. Despues di firmamentu di e contract e autoridadnan presente, entre cual premier Chroesjtsjef y secretario general di Nacionnan Uni, Oe Thant, a expresa nan aprobacion cu un aplauso.

Chroesjtsjef tabata para contentu tras di e ministernan ora cu nan tabata butando nan firma baw di e documentonan. Huntu cu Chroesjtsjef tabata para, Oe Thant, kende tambe tabatin un sonrisa riba su cara.

Inmediatamente despues di firmamentu di e acuerdo minister Gromyko a brinda riba „paz y amistad“. Un ehemplo cu a worde sigi door di e otro presentenan.

Gromyko, kende a hiba palabra prome, a declara entre otro, cu e acuerdo por habri caminda pa otro acuerdonan importante, esta un acuerdo tocante desarme completo. Union Sovietica lo haci tur loke ta posibel pa yega na resultadonan den e punta di bista ey.

Speranza

El a expresa e speranza, cu firmamentu di e acuerdo lo contribui na solucion di otro problemanan internacionales, incluso esun di seguridad di Europa. El a felicita e ministernan Rusk y Lord Home cu realisacion di e acuerdo. E felicitacion aki a worde ricibi cu un tremendo aplauso.

E minister Sovietico a gradici Oe Thant pa su esfuersonan cu el a haci pa mengua tension internacional.

Despues di Gromyko a papia e minister Mericano di exterior, Dean Rusk, kende a bisa cu firmamentu di e acuerdo ta un paso bon, pero cu ainda no ta pone un fin na deposito di arma nuclear. Si e acuerdo worde sigi pa otro acuerdonan, anto e ora ey sonjo di humanidad, cu ya hopi tempu caba ta anheia pa paz, lo bira realidad.

Lord Home a bisa cu e optimismo y speranzanan di actualmente ta resultando.

E TERRITORIONAN ULTRAMAR DI PORTUGAL

NEW YORK, 6 aug. — Fuentenan generalmente bon na altura na New York a declara ayera, cu e minister Portugues di exterior, Nogueira, a rechaza un peticion di secretario general Oe Thant pa delibera tocante ehecuion di e resolucion cu Consejo di Seguridad di Nacionnan Uni a tuma ayera en conexion cu e territorionan di ultramar Portugues.

APUNTES EDITORIAL

(Cont. di pag 1)

mico, tanta cu millones di dolar na Barcelona despues di anjanan di preparacion y deliberacionnan, cu obhetu pa produci, exporta y duna ganashi pa su invertidornan, asina diasabra atardi pa elcutor y mel a entrea su prome producto final pa exportacion den quietud completo. Aki no e apertura di un fabrica cu ta traha caba pero aki e exportacion di berdadi e realizacion di e obhetu final di A.C.C. y A.C.I. Pero ningun hende no a duna cuenta. E bishita aki no tabatin oficialnan cu por medio di un acto chikito a laga e amonlak hasha den e bodeganan di „Eso Centro America“, pero dos empleadonan comun cu a pone nan mannan duru riba e wiel y cu nan forza conhunto a habri e valve. Aki no tabatin discurso bunita, pero solamente un „It's up to you“ un „Okay go ahead“ y probablemente tambe un palabra malu ora cu e valve no a habri facilmente.

Mas cu nunca antes door di e acto simpel di senjores Schmidt y Wever e producto total di Barcelona a bira un realidad bini. E fabrica di amonlak cu ya caba tabata traha y produci awor tambe a exporta. Un producto industrial nobo nobo di Aruba a sali for di Antillas cu „Eso Centro America“. Amonlak Arubano actualmente ta na caminda pa Merca.

Y atrobe nos ta memora un momento e hende y gruponan na Aruba por gradici esaki: Standard Oil, Juanecho Yrausquin, Oscar Henriquez, Gobierno Hulandes. Y mientras cu „Eso America“ cu su bodeganan jen di amonlak Arubano a dirigi su mes pa Merca e nombernan aki ta repasa nos pensamentu.

Esta humita e lo a keda si e parti patras di „Eso Centro America“ como haaf di cas no a menciona Panama, pero Barcelona.....

tudo di e hecho cu e lidernan responsable di occidente y Union Sovietica a yega na e conclusion cu un guerra nuclear ta increíble.

Tur pueblonan ta actualmente orgulloso, pa realisacion di nos speranzanan lo costa tempu y energia. Esey lo no bai libe, asina e minister Ingles a declara.

Curashi

Oe Thant a declara cu e acuerdo a bira posible door di politica y curashi di e lidernan di e tres paisnan firmador.

El a expresa e speranza cu nan lo haci tur loke ta posibel pa realisa un acuerdo na cual tur explosionnan nuclear ta worde prohibi pa semper.

E intencion final mester keda desarme general y completo cu participacion di e hecho cu e lidernan respon-

MINISTER DI INDIA TA KEDA

NUEVA DELHI, 6 aug. — E minister di agricultura y provision di cuminda na India, Patil, ayera a hala su peticion aden pa e retira riba peticion di premier Nehru. E minister a entrega su retiro awor despues di desunicon cu algun di su colega nan kendenan tabata kier un dominio mas fuerte di prijsnan pa baha prijsnan di comestibles.

WELGA NA MARSEILLE A TERMINA

MARSEILLE, 6 aug. — E welga di nabegantenan na Marseille, cu a dura cuater dia, a termina awe.

E prome bapor pa Argel a sali caba cu 12.000 pasahero abordo. Pronto lo sali 12 bapor mas pa Corsica y haafnan di noord Africa. E nabegantenan a welga pa mas salario y mior condicionnan secundario di trabao.

SITUACION NA INDIA

NEW DELHI, 6 aug. — Na Nueva Delhi a yega awe un unidad di forza aerea Ingles cu mester tuma preparacionnan pe ehericionan comun di forza aerea Ingles Mericano y di Ingles cu lo tuma lugar den ottonjo proximo. E Mericanonan lo tresa India instalacionnan mobil di radar pe ehericionan aki.

E instalacionnan aki lo worde reemplaza despues pa instalacionnan permanente.

Oficialmente nan a anuncia, cu e ehericionan no solamente tin como fin pa sinja e Indionan usa radar. Den prensa di India y circulanon diplomático na Nueva Delhi nan ta mira e ehericionan aki como training pa aproba paraatheid pa si acaso nan haci un apelacion riba unidatnan Ingles y Mericano di forza aerea na un eventual atake dje Chinesnan.

Peticion pa Oe Thant di Federacion di Maleisia

MANILLA, 6 aug. — Indonesia y Filipinas, lo pidi secretario general di Nacionnan Uni pa manda gruponan di Nacionnan Uni na Noord Barnea Ingles pa solucionacion e asunto di autode-terminacion den e teritorio ey.

President Soekarno di Indonesia, su colega di Filipinas, Macapagal, y e prome minister di Malakka, Abdoel Rachman, kende a papia seis dia na Malakka tocante e federacion di Maleisia cu lo worde forma dia 31 di luna aki, a participa e noticia den un declaracion comun. Malakka lo pidi e gobiernonan di Inglaterra y Borneo

cion di un instancia eficaz e internacional.

E ta spera cu e tres paisnan lo duna nan apoyo na iproposicionnan pa zonanan liber di armanan nuclear y lo dedica atencion na e medionan pa evita cu armanan nuclear lo cai den man di nacionnan cu actualmente no tin nan. Tambe e ta desea deliberacion tocante e medionan cu cual armanan nuclear ta worde transporta.

Despues di e discurso di secretario general Oe Thant, e grupo a bai den e sala St. George di Kremlin unda e gobierno Sovietico a ofrece un recepcion na honor di e delegacionnan Mericano e Ingles.

DEMOSTRANTENAN CONTRA BOM NUCLEAR

MUENCHEN, 6 aug. — E noben-ta demostrantenan contra bom nuclear for Inglaterra, Belgica, Dinamarca y Suecia, kendenan gobierno di Austria a ninga admision den e pais, awor toch ta na Austria. Nan a drenta e pais na diferente lugar como turista y entre tanto ya a tene un demostracion na e ciudad Linz. E demostrantenan ta bai trata awor pa drenta Yugoslavia, pa via di e pais ey nan sigui pa Grecia.

TRANSMISION EXITOSA VIA SYNCOM

NEW YORK, 6 aug. — Antayera noch e prome imagennan di television a worde transmiti via di e satellite di comunicacion „Syncom II“, cu a worde lansa 14 dia pasa.

E prome fotonan tabata esun di president Kennedy y di e gobernador general di Nigeria. Recepcion na ambos lado tabata perfecta, asina un portavoz di e oficina Mericano pa aviacion y nabegacion den espacio a bisa.

IGLESIA Y ESTADO NA POLONIA

WASCHAU, 6 aug. — Di parti di iglesia catolico a worde participa awe na Waschau, cu e ministerio Polaco di habitacion e industria di construcion a pone beslag riba dos seminario grandi na Krakau.

Nan a haci esey pasobra e seminario tabatin mucho espacio pa biba. Pero parce cu esey taora un pretexto asina a worde bisa. Iglesia catolico a protesta serca e gobierno contra e accion, pero te ainda e protesta no a ser contesta. Parse cu e medida ta afecia 350 estudiante pa pader.

REPRESENTANTE DI E.E.G. NA SURNAM

PARAMARIBO 6 aug. — Majan nan ta spera na Surnam e representante di Surnam cerca EEG na Brusel, senjor Ferrier.

Su yegada tin relacion cu e huz-gamentu dje cantidad di bauxiet den teritorio Adampada y e posibilidadnan cu tin pa financia serramentu dje comarca aki cu placa dje fondo di desarollo di EEG.

DRS. SJARIF A JEGA SURNAM

PARAMARIBO, 6 aug. — E delegado Indones na Hulanda drs. Mohamed Sharif a yega Surnam ayera. A saludele na aeropuerto Zanderij un grupo di civilnan Indones.

Manera anuncia e lo pone su mes na altura dje posicion di Indonesnan na Surnam.

BO HOROSCOPO PERSONAL

ARIES

21 Maart — 20 April



Awe lo bo hanja un noticia agradable. Bo judanza na otro lo ser aprecia, tene cuida den trafico di auto.

TAURUS

21 April — 20 Mei



Sea optimista den asuntunan di amor. Esey lo juda bo y logra loke bo kier. Bo por tuma un chens chikito.

GEMINI

21 Mei — 20 Juni



Laga tur cos bmanera nan ta y tene cuida pa tuma medidanan. Bo tin hopi influencia riba hendenan rond di bo.

CANCER

21 Juni — 22 Juli



Aspectonan favorable ta juda bo pa logra exito den bo asuntunan di mas importante. Sea carinoso e personanan uobos.

LEO

23 Juli — 22 Augustus



Bo aspectonan financiero a mehora. Hopi bo por ha ja ganashi of pone un base pa e tradanan den futuro.

VIRGO

23 Augustus — 22 September



Awor bo por dilanti den bo trabao; bo tin influencia riba otro y por lanza bo idean.

LIBRA

23 September — 22 Oktober



Prepara bo m pa hala atras. Awe ta un dia pa trab preparativo. No descuida bo coman bieuw.

SCORPIO

23 Oktober — 22 November



Awe ta un dia bo por pone e bese pa aumenta e entrananan. Ta be awe contacta nan cu otro lo importante pa bo.

SAGITARIUS

23 November — 21 December



Awe lo bo hanja noticia serotonan. Bo hika ta correcto den asuntunan di negshi y acuerdonan.

CAPRICORNUS

22 December — 19 Januari



Luna jen ta duna bo oportunidat solucion tur problema personal. Haci algu pa nan cu ta malu tin necesidad.

ACUARIUS

20 Januari — 18 Februari



Laga bo parti tuma iniciativa. We. Coopera po y no forza bo fantasia riba otro. Bo mester scucha mas cu bo ta pia.

PISCES

19 Februari — 20 Maart



Awe ta un dia aspectonan financiero. Bo por logra exito den bo asuntunan riba reno aki basta bai cu poco reserva.

MINISTER DI SURNAM PA HULANDA

PARAMARIBO, 6 aug. — Minister di Surnam Kraag di asuntunan social, lo sali dia 11 di augustus proximo pa Hulanda pa tene deliberacionnan en relacion cu e construcion cas na Surnam. Lo yudele dr. Essed y dr. Kennedy.

E deliberacionnan lo worde ha principalmente cu instalacionnan peticular, y lo trata di posibilidad di financiamiento.